

BOSNIA AND HERCEGOVINA
FEDERATION OF BOSNIA AND HERCEGOVINA
FEDERAL ADMINISTRATION OF CIVIL PROTECTION

Broj: 05-02-2-136/2022
Sarajevo, 24.03.2022. godine

FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
n/r tajnika, Ivan Miličević

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

28-03-2022

Primljeno:

Org. jed.	Broj	Priloga	Vrijednost
05/1	-02-	88	122

PREDMET: Odgovor na zastupničku inicijativu Amele Kuskunović, dostavlja se
VEZA: - akt Vlade Federacije Bosne i Hercegovine broj: 03-04-321-5/2022 od 15.03.2022. god.;
- akt Predstavničkog doma Parlamenta Federacije Bosne i Hercegovine broj: 05/1-02-88/2022 od 09.03.2022. godine.

Federalnoj upravi civilne zaštite je dostavljena Inicijativa zastupnice u Predstavničkom domu Parlamenta Federacije Bosne i Hercegovine Amele Kuskunović, broj i datum navedeni u vezi, pokrenuta na osnovu člana 11. Poslovnika o radu Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), a kojom se Vladi Federacije Bosne i Hercegovine i ovoj Upravi upućuje zastupnička inicijativa „za hitnu organizaciju akcije sa ciljem dovođenja u adekvatno stanje za korištenje atomskih i ostalih skloništa na prostoru Federacije BiH“ obrazlažući istu trenutnom geopolitičkom situacijom.

Vezano za predmetnu inicijativu obavještavamo Vas o slijedećem:

- Odredbama Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljem tekstu: Zakon) utvrđena je mjera zaštite i spašavanja - sklanjanje ljudi i materijalnih dobara.
- Uredbom o mjerilima, kriterijima i načinu izgradnje skloništa i zaklona i tehničkim normativima za kontrolu ispravnosti skloništa i zaklona („Službene novine Federacije BiH“, br. 21/05 i 59/07-u daljem tekstu: Uredba) propisano je da se pod skloništem podrazumjeva dvonamjenski objekat ili poseban objekat koji se koristi za zaštitu ljudi i materijalnih dobara. Skloništa se u pravilu grade u sklopu objekta ili kao posebni objekti, koji se u miru može koristiti za određene privredne ili druge namjene i za smještaj evakuisanih građana u slučaju prirodne ili druge nesreće, a u ratu za sklanjanje ljudi i materijalnih dobara od zračnih, raketnih, topovskih, minobacačkih i drugih napada, te upotrebe radioaktivnih, hemijskih i bioloških sredstava, odnosno nastanka opasnosti od istih uslijed tehničko – tehnoloških nesreća.
- Potreba za izgradnjom skloništa i zaklona je obavezna i utvrđuje se na osnovu procjene ugroženosti od prirodnih i drugih nesreća područja kantona i gradova/općina u cilju zaštite ljudi i materijalnih dobara od prethodno navedenih opasnosti, kao i u slučaju nastanka prirodne ili druge nesreće.

-Odredbama člana 59. Zakona utvrđena je obaveza da se skloništa stalno moraju održavati u ispravnom i funkcionalnom stanju, te da tu obavezu imaju vlasnici skloništa. Ako su skloništa izdata u zakup, ugovorom o zakupu se moraju regulisati pitanja obaveze održavanja skloništa u ispravnom i funkcionalnom stanju, obzirom na činjenicu da je **Zakonom propisano da svako sklonište u svakom trenutku mora biti ispravno i u funkcionalnom stanju.**

-Nadzor nad održavanjem, kao i prilagođavanjem navedenih skloništa vrši kantonalna uprava civilne zaštite, odnosno općinska/gradska služba civilne zaštite, svaka u odnosu na ona skloništa koja njima pripadaju.

-Nadalje, prethodno navedenom Uredbom propisano da tehničke i kontrolne preglede i izdavanje odobrenja za upotrebu skloništa, kao i ispitivanje skloništa izgrađenih do stupanja na snagu Zakona vrše nadležni organi za prostorno planiranje i građenju uz učešće predstavnika kantonalnih, odnosno općinskih/gradskih službi civilne zaštite.


Napominjemo da je Zakonom i podzakonskim aktima takođe propisano da se vrše kontrolni pregledi, koji su u nadležnosti kantonalne uprave civilne zaštite, odnosno općinske/gradske službe civilne zaštite, te se prilikom tih pregleda može ustanoviti da neka od tih skloništa ne mogu biti ni skloništa ni zakloni zbog neispunjavanja uvjeta i kriterija predviđenih Uredbom.

Imajući u vidu sve prethodno navedeno, uzimajući u obzir osnovu zakonskih i podzakonskih akata koja regulišu provođenje mjera zaštite i spašavanja - sklanjanje ljudi i materijalnih dobara, te činjenicu da su kantoni i općine/gradovi osnovni nosioci izgradnje i svih drugih pitanja u vezi skloništa/zaklona, obavještavamo vas da ćemo iste informisati o Vašoj zastupničkoj inicijativi u našem redovnom kontaktu sa nadležnim u kantonima, odnosno općinama/gradovima vezanoj za problematiku ispravog i funkcionalnog održavanja stanja atomskih i ostalih skloništa na prostoru Federacije Bosne i Hercegovine.

S poštovanjem,

P.O. VLADE FEDERACIJE BIH
ŠEF ODSJEKA

Enes Memić



Dostaviti:

1. Naslovu,
2. Vlada Federacije Bosne i Hercegovine, na znanje,
3. a/a